

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Nos lo selebrá Kristu Rei ku tur su gloria mañan djadomingu 25 di november. Skolnan i tur otro katólikonan na korsou, a reuní pa resa durante 40 ora na Parokia Sagrado Kurason na Janwe. Orashon a kuminsá 5 or di mainta dia 23 di november i lo terminá 10 or di anochi awe djasabra dia 24 di november. Tur esaki pa prepará pe e dia grandi ku nos ta selebrá Kristu Rey.

Boso tur ta bon bini pa bin hasi orashon awe ainda promé ku 10 or. Bin subi plenchi di Brionplein djadomingu awor 6 or pa nos selebrashon.

Riba roster

TRINITEIT COLLEGE 65 AÑA

Riba 1 september 1953 skol a habri su porta pa alumno, e tempu ei un MULO-school bou di guia di sur i fraternan.

Na 2018 Triniteit College ta un skol pa alumnonan di VSBO basisvorming. Triniteit College ta situa na Biesheuvel entrada di Snipweg. Manera nos logo ta indika, edukashon serka nos ta un trabou konhunto entre skol i kas.



Triniteit College
Comanchestraat #12
Tel: 7376783

Alumno



Skol

Kas

Nos ta ofresé nos alumno un ambiente edukashonal ku faseta moderno, kaminda e alumno ta siña teoria kombiná ku praktika.



Tambe e alumno ta traha riba proyektonan ku ta konekta ku e mundu rondo di nan. Esaki ta un ehempel di un proyekto.

Criminaliteit



Durante e proyekto aki tres materia ta traha huntu, ku ta begeleidingsles, computer I hulandes. E alumno tin ku traha un filmashon di mas o menos 3 minut over di e tópiko I e pakiko tin di stop kriminalidat.

Durante periodonan di aña skol ta konsentra riba aktividatnan i ta hasi esakinan parti di lokual nos alumnonan ta siña. Aki nos ta mira kon alumnonan ta siña mara lensu durante siman di kultura.



Triniteit ta ofrese ayudekstra pa e alumno ku nesesidat speshal. Den e kuadro aki nos tin un team di kuido, ku ta konsisti di IB-er, RT-er, SMW-er.

- E IB-er ta duna guia na e proseso di kuido pa tur alumno den skol.

- E alumno ku tin mester di guia speshal ta wordu guia dor di e Rt-er. E Rt-er ta un dosente speshalisa den yuda e alumno ku tin problema ku e siñamentu.
- E SMW-er ta un trahado sosial ku ta yuda duna I buska guia pa e alumno ku tin mester di extra guia.

Pronto nos lo tin un OPEN DAG durante kua por sera konosi ku skol. Keda pendiente pa e fecha.

Not'é riba bòrchi

MARIS STELLA VSBO TIN NOTISIA PA BO!

Bo tabata sa ku:

- Nos skol ta ofresé *Basisvorming* i alabes *Bovenbouw*?
- Nos skol ta situá den área dushi i trankil di Montaña?
- Nos ta tene nos skol limpi i bunita tur dia?
- Nos ta train nos hóben nan pa traha den sektor di Ekonomia, Bunitesa i Kuido?
- Nos ta forma un famia eskolar i nos ta yuda otro?
- Nos hóbenan ku tin talento den spòrt ta den e proyekto Ami mi mes i mi logronan?
- Nos ta traha hopi ku organisashonnan di barío di Montaña?

Aña eskolar 2018/2019 kasi na mitar

Nos ta serka di yega mitar di aña eskolar i ta bon pa reflehá riba e periodo tras di lomba. Aña eskolar 2018/2019 a kuminsá ku diferente aktividat pa sera konosí ku otro. Durante aktividat na entre otro Rif alumno nan mester a traha boto di karton i krusa e pisina den dje. Aki por a mira ku mester pone kabesnan huntu pa bini ku un plan kon pa mantené e boto aki riba awa. Den e siman di introdukshon alumnonan por a haña informashon di diferente tema i tambe traha arte den grupo.



Den luna di Sèptèmber nos a selebrá nos siman di Kulturismo den gran forma. Alumno nan a haña lès di mara lensu, toka instrumento típiko di Kòrsou i kanta i baila riba kantikanan folklórico. Nos turista nan no a keda afó. Alumno nan a bisti manera turista pa mustra e importansia di e sektor aki.



Den lunanan ku a pasa skol a traha konhunto ku diferente organisashon pa mehora nos medio ambiente. Durante World Clean Up day nos a limpia den bario di Montaña huntu ku habitante nan di e bario dushi aki. Na skol nos ta tene nos plenchi limpi pasobra tur dia un grupo tin “corvee” pa limpia skol!

Fundashon Carmabi den kuadro di proyekto di Planta mata & Coca Cola 80 aña tambe a pasa na Maris Stella VSBO pa planta mata lokal na nos skol. Danki na esaki nos skol ta aun mas bèrdè.

Princes Wilhelmina Fonds a pèrkurá charla pa tur alumno nan na skol pa trese mas konsientisashon rondó di e malesa di Kanser. Por a hasi diferente pregunta pa asina haña tambe mas informashon tokante prevenshon.

Den luna di Òktober nos alumno nan no a laga awa seru para e aktividat di Outonomia 10-10-10. Alumno nan huntu ku nos Promé Minister i diferente artista a traha riba un monumento ku lo haña lugá sentral den bario di Montaña.

Novèmber nos alumno nan a haña workshop di kon pa trata ku sèn i kon traha un presupuesto. Esaki ta komienso di un proyekto huntu ku diferente instansia. Ta sera e proyekto aki ku kompra di kosnan balioso pa skol i pa lès. Asina nos ta yuda drecha nos ambiente eskolar. Minister Camelia Römer tambe tabata presente pa sostené nos hóben nan den e proyekto aki.



Ku bista pa dilanti.

Nos ta sigui yuda nos alumno nan pa diskubrí nan talento. Den e luna aki nos hóbenan ku stima baila lo tene un Dance Challenge den kuadro di proyekto pa gym. Durante pouze lo tin bon ambiente i huntu nos lo apoyá esnan ku ta bai trese nan baile i koreografia úniko dilanti.

Maris Stella VSBO lo presentá tambe su mes “koro” den temporada di Pasku. Alumno nan a forma un banda pa deleitá tur hende ku kantika nan di Pasku. Algun alumno lo risibí i konformá tambe den e luna di Desèmber bou di guía di nos dosente di religion.

Nos konseho di alumno ku ta konsistí di alumno di Basisvorming klas 1 & 2 i alabes alumno di klas 3 & 4 ta den preparashon pa organisá aktividat pa skol pa asina mantené e dushi ambiente na skol.

Banda di nos aktividatnan nos ta keda mehorá nos lèsnan di práktika i stazje. Nos alumno nan di klas 4 a pasa un periodo di 4 siman na diferente lugá pa asina haña eksperensia den sektor di Horeca, Turismo, Kuido & Beyesa. Un danki na tur e kompania nan ku ta kere den guia nos alumno nan den trabou. Nos **departamento di Hospitality** ta sòru pa siña nos alumno nan ku despues di SBO por bai traha den restorant komo “Gastheer/ Gastvrouw (waiter)”, den kushina komo “(Chef)Kok” òf komo “Brood en Banket bakker” òf den Turismo komo resepsionista, “airline attendant”, “hotel medewerker” òf guia turistiko. **Departemento di Uiterlijke Verzorging** ta sòru pa prepará nos alumno pa despues di SBO nan por traha na por ehèmpel un salon di beyesa komo “Kapper” of na un Spa, salon komo “Schoonheidsspecialist”.



Selebrashon 60 aña

E aña eskolar aki Maris Stella ta selebrá 60 aña di eksistensia. Maris Stella SBO a kuminsá kaba ku selebrashon i SBO i VSBO lo selebrá en grande huntu den Februari 2019. Keda pendiente!

Mucha Djispou

Petra ta bi kas for di dentista i su mama ta puntré su ainda e djente ta mòrde.

Petra: “Mi no por bisa mama, dokter a keda ke né”.